

Bataake Bunndu

Jaaynde Humpitorde Ladde Reenaande Renndaande nde Bunndu

Hade toboli

Jaaynde nde yubbini KORENA – Kisnirgal LRR (RNC) Bunndu

Njaaynirka *Komandaŋ Baaba Bah, hooreejo serwis diiwaniijo toppitiido Diyye e Ladde ngal Tammbaakunnda.*

RNC mo Bunndu ina mawnina hannde hitaande mum idannde, caggal liggeey juutdo waylitgol diiwaan waaño paweteedo e taarii-ndi mum doole keewde. Serwiis diiwaanijo toppitiido kisnugol Diyye e Ladde mo Tammbaa ballitoowo e ngool laawol gila e fuddoode, e nder gollondiral hakkunde Iseer e Tammbaakunndaa, umminii kala gollotoobe mum, teŋti noon e Liyetnaa Duusu Soh (hooreejo catal kisnugol kulle dee), e nder lelnugol tuugnorgal golle reengol ladde ndee.

E sahaa njillu karalleewu Dental Diiwaniwal ngal to Goronobal, mo doftu-mi, wonndude e ARD, mi hebii faamde pellital ngal gollotoobe bee njogii e ngoo doo ebbo, to bannge Rewo e to Worgo, e nder gollagol moyyol tuugnorde jowitiide e kisnugol ngol e bantaare ladde ndee. To bannge am, ko dum daliilu moyyo to moyyingol e to tabitingol ebboore ndee haa nafoore ndee duumoo.

Feewde e Hooreebe Dente Dowri Duge, Siñcu Fisa, Kusaj e Tummbura, haa e yimbe bee, mido hesditina ballal timmungal ummaade e serwis toppitiido kisnugol ladde e nder RNC mo Bunndu. Ina yidaa ndee feere yoodnde waawa softinde dente nokkuuje godde dee, e nder golle kisnugol nanondirangol wonannde ngaluuji tunndu mabbe.

Lella ba tiinde furdunde

Burde anndude ngam burde waawde reende kulle dee

Caggal nde lella tokoosa yi'taa ko Kusaj e fe bariyee jawtudo oo (yeew Bataake Bunndu tong.3), reengol baan lella ba tiinde furdunde (*Gasela rufiforoy*) wonii gooto e haajuuji RNC Bunndu burdi himmude.

Ngol leñol kullel Sahal, taweteengol hannde e rewo Tammbaakunndaa e to Ferlo, bone ina meeroo dum e denndaangal do ngol wuuri doo ; sabu so reenaaki, leñol ngol nattat woodde, sabu kulle mum nana ngustoo tan, te ko dum ngoya.

E nder RNC Bunndu, maantoo de keewde tawaade heen ina kol-la en wonde leñol baa lella ba tiinde furdunde ina wuuri heen e sifaa duumiido, dum ina wafa ladde reendaande ndee nokku cubtaado potdo widteede ngam burde anndude dum, e ngam burde waawde dum reende.

KORENA maa darnu e ko arata feere rewindo baa lella ba tiinde furdunde wonndude e pece didi widto :

1. Winndude e doggol kala nokkuuji widto do lella *Gasela rufiforoy* woni e nder diiwaan Tammbaakunnda.
2. Widtude nokkuuji di lella ba woni e nder RNC Bunndu, kuu-toragol majji e jotondire majji e golle yimbe bee.

Oon liggeey, jogordo wadeede e ballondiral e dental Reengol Kulle Rewo Ferlo e Estasiyoŋ Eksperimantal mo diiwanuujii Joordi (CSIC** Espaañ), maa jebbile e tolno toowdo e leydi ndii ngam darnude peeje kisnugol e deengol kuubtidinngol ngol doo leñol e nder Senegaal, haa e denndaangal leydeele catiide dee.

*Dental Toowngal toppitiingal Widto Ganndal



Cewngu to Aŋngili

Ko e sahaa heblo feewtude e juumgol to Kusaj, e lewru mee jawtudo oo, min kabraa ko heewaani naneede te betti no feewi : no woon aynoobe Talibaaŋi Fulbe kaaliri, cewngu ngootu yiy-taama ina maayi, e nder weendu Aŋngili ko ina wona jonte see da caggal.

Nde tawnoo min cuwaano tawo teskaade ngol doon leñol kulle e nder ladde nde min mbidatata e nokkuuji dii, min njehi to nok ku biyaado oo ngam humpitaade dum. Ko doon min tawi cewngu nguu ina lelii sara weendu Aŋngili yoortunnu wadfindiindu: ko teskini, banndu nduu ina hisi sabaabu nde yooro ngoo.

Nde wonnoo cewngu nguu (*pantera pardus*) alaa gaañannde, ina waawi ngu maay domka. Woni daliilu duum, ko lebbi keew di, doon fof alaano ndiyam, te kulle ladde godde ina maayi doon.

Ko dum wadi, Aŋngili e wonde dum nokku kisal taariindi teski niido e nder RNC, ina farwi e gonal mum, te sifaaji weeyaa-ngo ngoo ina mbaawi addude heen cadeele nguurdam.



Cewngu maayngu tawaangu e weendu Aŋngili fiande 23 mee 2010

RNC to limooje :

145

Limoore leyyi ndiw-ri teskaadi e nder RNC gila 2007

15

limoore njilluuji wal-lidiibe bee e nder RNC gila o sosaa

1

Limoore duubi RNC haa e suwej 2010

Sete Tammaakunndaa to Iseer (Farayse)

Heblude aadi gollondiral kesal e nder peeje karalleeje doftugol e rewindo golle dee, yeewtude e ko feewti e bamtugol ebbo RNC mo Bunndu... ko dñi haajuuji, wonndude e goddi, ngonnoo paandale sete karallaagal umminoodo e Tammakunnda yehi to Goronobal, e diiwaan Iseer (Dental Diiwaan, ARD e IREF).

Kawre keewde hakkunde gollotoobe be Rewo e be Worgo (gollorde, haralleebe, dente...) mbadii haa yeewtaa ko feewti e peeje gollorteede ngam njubbudi golle burndi moyyude hebee, tawa yimbe fof ina tawtinaa heen.

RNC mo Bunndu woniino e nder bernde gostondire dee, te miijooji kollitaama ngam beydude faayidaagal jiilgol tuugnorgal kisanugol ngol (cosgol nanondiral hakkunde Dental Diiwaan ngal e Dente Dowri dee, toddagol jiiloowo PLD to ARD, naatnugol IREF e golle dee...). Dee gede maa njeewte e batu goomu toppitiingu rewindo jogorngu joodaade hade hitaande ndee maayde.



E nder ca'e dee...

Komite riiral tummbura

- IDEN mo Bakkel udditii santar iksamee mo Tummbura
- Joofnugol mahgol suudu cellal Saqsandiñ.

KOMITE RIIRAL DUUGE

- Udditgol kaayitaaji dabbugol gollotoobe haajuuji peewtudi gasgol boyli, cellal e soodgol masij gunoo-wo.
- Hesditingol kaayitaaji dabbugol gollotoobe feewtude e gasgol boyli caggal nde gadani dñi kaaytaa.

« Limmbam Bunndu », njuumri laabndi (itaaka wadtaaka) ndi Bunndu.

Caggal hebbo jumoobe RNC mo Bunndu, GIE (Dental Yeñcinowal Faggudu) "Limmbam Bunndu" jibinaama.

Lebbi joyi caggal fawgol jumirde Keñña gadane e nder ca'e 5 RNC, ñaaki puddiima liggeey oo nde di ngari di kodi e juumirde Kusan, Talibaaji e Gonngeeji. Ngam yuunitaade ko wonnoo e deen juumirde e yawtinorde heen hebbo juumoobe bee e ko feewti e karallaagal jumgol kesol ngol, hebbo keso wadanooma e lewru mee to Kusan e ballal Wulaa Nafaa. Dum wonii kadi fartanñe, wonande Fedde Yooltoore Hujjaaji Jumoo-be Dofin, ina joodanii dum San Rosh Ferte, wostondirde miijooji doon e doon e jumoobe senegaalnaabe bee, te holliraama heen jokkondiral hakkunde peeje juumgol cosaan ngol e juumgol kesol ngol.

So diwtii wellamma yiye liiter njuumri "laabndi" idanndi mo RNC Bunndu ina siitwoo e masij jaltinoowo njuumri oo, ko buri moyyude e oo doo hebbo ko darnugol GIE den-dindo jumoobe Rnc fof, hawrube ngam bamtude juumagol mbele ina wona gollal jeñcinowal ngalu tawa tariindi ndii ina heen hormaa tigi !

Jumoobe be GIE "Limmbam Bunndu" e sahaa hebbo feewtude karallaagal juumgol.



Ko arata...



Ut 2010

- Batu huubtidinngu KORENA e Tammaakunnda (ñalaande ndee ina teeptinee ko arata)
- Puddagol kawgel ngam sosgol maantoo RNC mo Bunndu.

Ñaawoobe subotoobe : Goomu Rewindo mo RNC, oktoobar 2010



Ladde Reenaande Renndaande nde Bunndu

Ko ebboore Dente Dowri (KR) Duge. Kusan, Siñcu Fissa, Tummbura e GIC (Dental Bamtaare Renndaande) mo Bakkel.

E nder gollondiral tellitinangal hakkunde Iseer e Tammaakunnda, e ballal ARD, gollorde karalleeje dee, ebbooji e porogaramuui Diiwaan oo, e ballal FFEM, AFD e CF-UICN



JOKKONDIRE :

KORENA

Kisnirgal RNC ngal Bunndu

Kusan, W/B 238 Tammaakunnda-Senegaal

Corena.tamba@hotmail.com

Keleer KELEMA

Kalfinaado Ballitgol RNC

(00 221) 77 713 92 79

ARD mo Tammaakunndaa-Catal Bakkel

Mammadu FADE

Hooreejo Catal

(00 221) 77 511 51 26

fademamadou@yahoo.fr



Mballundi : Komandan Bah (IREF Tammaa) - M.Fade (ARD) Bakkel) - B.Diallo (Iseer)

Nate : Keleer Kelemaa - **Peewnugol/Binndande :** K. Kelemaa - **Fulo :** Ibraahiima Seydu Jah (Tammaa)

Bataake Bunndu -Tonngoode 4, Awiril haa Suwej 2010 - KORENA